

ÁKVÖRDUN SAMEIGINLEGU EES-NEFNDARINNAR
nr. 11/2004

frá 6. febrúar 2004

**um breytingu á II. viðauka (Tæknilegar reglugerðir, staðlar, prófanir og vottun),
X. viðauka (Hljóð- og myndmiðlun) og XI. viðauka (Fjarskiptapjónusta) við EES-
samninginn**

SAMEIGINLEGA EES-NEFNDIN HEFUR,

með hliðsjón af samningnum um Evrópska efnahagssvæðið, með áorðnum breytingum samkvæmt bókun um breytingu á samningnum um Evrópska efnahagssvæðið, er nefnist hér á eftir „samningurinn“, einkum 98. gr.,

og að teknu tilliti til eftirfarandi:

- 1) II. viðauka við samninginn var breytt með ákvörðun sameiginlegu EES-nefndarinnar nr. 127/2002 frá 27. september 2002 ⁽¹⁾.
- 2) X. viðauka við samninginn var breytt með ákvörðun sameiginlegu EES-nefndarinnar nr. 17/2001 frá 28. febrúar 2001 ⁽²⁾.
- 3) XI. viðauka við samninginn var breytt með ákvörðun sameiginlegu EES-nefndarinnar nr. 153/2003 frá 7. nóvember 2003 ⁽³⁾.
- 4) Tilskipun Evrópuþingsins og ráðsins 2002/19/EB frá 7. mars 2002 um aðgang að rafrænum fjarskiptanetum og samtengingu þeirra og tilheyrandi aðstöðu (tilskipun um aðgang) ⁽⁴⁾ skal felld inn í samninginn.
- 5) Tilskipun Evrópuþingsins og ráðsins 2002/20/EB frá 7. mars 2002 um heimild fyrir rafrænum fjarskiptanetum og -þjónustu (heimildartilskipun) ⁽⁵⁾ skal felld inn í samninginn.
- 6) Tilskipun Evrópuþingsins og ráðsins 2002/21/EB frá 7. mars 2002 um sameiginlegan regluramma um rafræn fjarskiptanet og -þjónustu (rammatilskipun) ⁽⁶⁾ skal felld inn í samninginn.
- 7) Tilskipun Evrópuþingsins og ráðsins 2002/22/EB frá 7. mars 2002 um alþjónustu og réttindi notenda að því er varðar rafræn fjarskiptanet og -þjónustu (tilskipun um alþjónustu) ⁽⁷⁾ skal felld inn í samninginn.

⁽¹⁾ Stjtið. EB L 336, 12.12.2002, bls. 27 og EES-viðbætur við Stjtið. EB nr. 61, 12.12.2002, bls. 21.

⁽²⁾ Stjtið. EB L 117, 26.4.2001, bls. 21 og EES-viðbætur við Stjtið. EB nr. 22, 26.4.2001, bls. 14.

⁽³⁾ Stjtið. ESB L 41, 12.2.2004, bls. 45 og EES-viðbætur við Stjtið. ESB nr. 7, 12.2.2004, bls. 32.

⁽⁴⁾ Stjtið. EB L 108, 24.4.2002, bls. 7.

⁽⁵⁾ Stjtið. EB L 108, 24.4.2002, bls. 21.

⁽⁶⁾ Stjtið. EB L 108, 24.4.2002, bls. 33.

⁽⁷⁾ Stjtið. EB L 108, 24.4.2002, bls. 51.

- 8) Taka ber tilhlýðilegt tillit til sérstöðu Liechtensteins og smæðar fjarskiptakerfisins í landinu sem gera það að verkum að nauðsynlegt er að bæta sérstökum aðlögunar-ákvæðum við tilskipanirnar um aðgang og alþjónustu.
- 9) Með tilskipun Evrópuþingsins og ráðsins 2002/21/EB eru felldar úr gildi tilskipanir ráðsins 90/387/EBE ⁽⁸⁾ og 92/44/EBE ⁽⁹⁾, ákvörðun ráðsins 92/264/EBE ⁽¹⁰⁾ og tilskipanir Evrópuþingsins og ráðsins 95/47/EB ⁽¹¹⁾, 97/13/EB ⁽¹²⁾, 97/33/EB ⁽¹³⁾ og 98/10/EB ⁽¹⁴⁾, sem eru hluti af samningnum og ber því að fella úr honum.

ÁKVEÐIÐ EFTIRFARANDI:

1. gr.

XI. viðauki við samninginn breytist sem hér segir:

1. Eftirfarandi liðir bætist við á eftir lið 5ci (ákvörðun framkvæmdastjórnarinnar 2002/627/EB):

„5cj. **32002 L 0019**: Tilskipun Evrópuþingsins og ráðsins 2002/19/EB frá 7. mars 2002 um aðgang að rafrænum fjarskiptanetum og samtengingu þeirra og tilheyrandi aðstöðu (tilskipun um aðgang) (Stjtið. EB L 108, 24.4.2002, bls. 7).

Ákvæði tilskipunarinnar skulu, að því er samning þennan varðar, aðlöguð sem hér segir:

Liechtenstein og innlent stjórnvald þess ríkis skulu leitast við af megni að framfylgja ákvæðum tilskipunar þessarar, en þegar metið er hvernig til hefur tekist skal taka tilhlýðilegt tillit til sérstöðu Liechtensteins og óvenju-legra aðstæðna sem stafa af smæð fjarskiptakerfisins í landinu, gerð markaðarins, litlum fjölda notenda, markaðstækifærum og hættunni á að fara halloka á markaði.

5ck. **32002 L 0020**: Tilskipun Evrópuþingsins og ráðsins 2002/20/EB frá 7. mars 2002 um heimild fyrir rafrænum fjarskiptanetum og -þjónustu (heimildartilskipun) (Stjtið. EB L 108, 24.4.2002, bls. 21).

5cl. **32002 L 0021**: Tilskipun Evrópuþingsins og ráðsins 2002/21/EB frá 7. mars 2002 um sameiginlegan regluramma um rafræn fjarskiptanet og -þjónustu (rammatilskipun) (Stjtið. EB L 108, 24.4.2002, bls. 33).

⁽⁸⁾ Stjtið. EB L 192, 24.7.1990, bls. 1.

⁽⁹⁾ Stjtið. EB L 165, 19.6.1992, bls. 27.

⁽¹⁰⁾ Stjtið. EB L 137, 20.5.1992, bls. 21.

⁽¹¹⁾ Stjtið. EB L 281, 23.11.1995, bls. 51.

⁽¹²⁾ Stjtið. EB L 117, 7.5.1997, bls. 15.

⁽¹³⁾ Stjtið. EB L 199, 26.7.1997, bls. 32.

⁽¹⁴⁾ Stjtið. EB L 101, 1.4.1998, bls. 24.

Ákvæði tilskipunarinnar skulu, að því er samning þennan varðar, aðlöguð sem hér segir:

- a) Í stað orðsins „sáttmálanum“ í 2. mgr. 5. gr. komi orðið „samningnum“.
- b) Í stað orðsins „framkvæmdastjórnin“ í 3. mgr. 5. gr. komi orðin „framkvæmdastjórnin, fastanefndin, Eftirlitsstofnun EFTA“.
- c) Eftirfarandi málsliður bætist við 3. mgr. 7. gr.:

„Upplýsingaskipti milli innlendra stjórnvalda í einstökum EFTA-ríkjum annars vegar og innlendra stjórnvalda í einstökum aðildarríkjum EB hins vegar skulu vera með milligöngu Eftirlitsstofnunar EFTA og framkvæmdastjórnarinnar.“

- d) Eftirfarandi málsliðir bætist við 4. mgr. 15. gr.:

„Að höfðu samráði við innlend stjórnvöld í EFTA-ríkjunum er Eftirlitsstofnun EFTA heimilt að taka ákvörðun þar sem millilanda-markaður tveggja eða fleiri EFTA-ríkja er tilgreindur.

Þegar Eftirlitsstofnun EFTA eða framkvæmdastjórnin áformar að tilgreina millilanda-markað sem nær bæði til EFTA-ríkis og aðildarríkis EB skulu stofnanirnar vinna saman í því skyni að ná samkomulagi um samhljóða ákvarðanir þar sem tilgreindur er millilanda-markaður sem nær bæði til EFTA-ríkis og aðildarríkis EB. Ákvæði 109. gr. skulu gilda að breyttu breytanda.“

5cm. **32002 L 0022**: Tilskipun Evrópuþingsins og ráðsins 2002/22/EB frá 7. mars 2002 um alþjónustu og réttindi notenda að því er varðar rafræn fjarskiptanet og -þjónustu (tilskipun um alþjónustu) (Stjtið. EB L 108, 24.4.2002, bls. 51).

Ákvæði tilskipunarinnar skulu, að því er samning þennan varðar, aðlöguð sem hér segir:

Liechtenstein og innlent stjórnvald þess ríkis skulu leitast við af megni að framfylgja ákvæðum tilskipunar þessarar, en þegar metið er hvernig til hefur tekist skal taka tilhlýðilegt tillit til sérstöðu Liechtensteins og óvenjulegra aðstæðna sem stafa af smæð fjarskiptakerfisins í landinu, gerð markaðarins, litlum fjölda notenda, markaðstækifærum og hættunni á að fara halloka á markaði.

Stjórnvöld í Liechtenstein skulu tilkynna Eftirlitsstofnun EFTA hvert það atriði sem taka þarf tillit til við beitingu færíbreytna, skilgreininga og mæliaðferða sem mælt er fyrir um í III. viðauka.

Eftir að slík atriði hafa verið tilkynnt er tilnefndum fyrirtækjum heimilt að vísa til þeirra í upplýsingum sem birtar eru samkvæmt ákvæðum 1. mgr. 11. gr.“

2. Textinn í 2. lið (tilskipun ráðsins 90/387/EBE), lið 5a (ákvörðun ráðsins 92/264/EBE), lið 5b (tilskipun ráðsins 92/44/EBE), lið 5c (tilskipun Evrópuþingsins og ráðsins 98/10/EB), lið 5cb (tilskipun Evrópuþingsins og ráðsins 97/33/EB) og lið 5cc (tilskipun Evrópuþingsins og ráðsins 97/13/EB) falli brott daginn sem ákvörðun þessi öðlast gildi eða 25. júlí 2003, hvort sem síðar verður.

2. gr.

Textinn í lið 4i (tilskipun Evrópuþingsins og ráðsins 95/47/EB) í XVIII. kafla II. viðauka við samninginn falli brott daginn sem ákvörðun þessi öðlast gildi eða 25. júlí 2003, hvort sem síðar verður.

3. gr.

Textinn í lið 1a (tilskipun Evrópuþingsins og ráðsins 95/47/EB) í X. viðauka við samninginn falli brott daginn sem ákvörðun þessi öðlast gildi eða 25. júlí 2003, hvort sem síðar verður.

4. gr.

Íslenskur og norskur texti tilskipana 2002/19/EB, 2002/20/EB, 2002/21/EB og 2002/22/EB, sem verður birtur í EES-viðbæti við *Stjórnartíðindi Evrópusambandsins*, telst fullgiltur.

5. gr.

Ákvörðun þessi öðlast gildi hinn 7. febrúar 2004 að því tilskildu að allar tilkynningar samkvæmt 1. mgr. 103. gr. samningsins hafi borist sameiginlegu EES-nefndinni (*).

6. gr.

Ákvörðun þessi skal birt í EES-deild *Stjórnartíðinda Evrópusambandsins* og EES-viðbæti við þau.

(*) Stjórnskipuleg skilyrði gefin til kynna.

Gjört í Brussel 6. febrúar 2004.

*Fyrir hönd sameiginlegu EES-nefndarinnar
Formaður*

P. Westerlund

*Ritarar
sameiginlegu EES-nefndarinnar*

Ø. Hovdkinn

M. Brinkmann